

食不調甘肥無節而作也或嬰幼闕乳粥飯太早耗傷形氣則疳之
根生或三兩晬後乳食稍多過飽無度則疳以傷得或恣食疳肥粘
膩生冷鹹醋以滯中脘則疳因積成或乳母寒暄失理飲食乖常喜
怒房勞卽與兒乳則疳因母患傳氣而入此非病家不能調適之過
乎疳皆脾胃受病內無津液而作也有因吐瀉之後妄施吐下津液
虛竭得之者有因潮熱大下利無禁約胃中焦燥得之者有因傷寒
冷厥太過渴引水漿變而生熱熱氣未散復於他邪得之者又
癖寒熱脇下痛硬或者不能漸與消磨遽以礪已峻決津液暴
者此非醫家輕藥壞病之過乎疳之爲候頭皮光急手髮焦
細鼻乾口噤唇白兩眼昏爛揉鼻鼻眉脊脊體黃鬪牙咬甲焦
白汗尿白瀉酸肚脹腸鳴癖結潮熱酷嗜瓜果鹹酸炭米泥土而
飲水者皆其候也

疳亦名筋疳

錢肝疳白膜遮睛筋疳瀉血而瘦湯

再眼睛澀癢

聖惠搖頭揉目流汗偏身合面而臥面色

青黃髮竦頭焦筋青腦熱渾身瘡癬腹中積聚下痢頻多久而不痊
轉甚羸瘦 曾氏目生眵翳髮際左臉多青或白睛微黃瀉刺夾水
或如苔色

心痞亦名驚痞

錢氏面黃夾赤身壯熱

湯氏口內生瘡

聖惠

渾身壯熱吐利無常煩赤面黃胸膈煩滿鼻乾心躁口舌生瘡痢久
不痊多下膿血有時盜汗或乃虛驚 楊氏小便赤澀五心皆熱

曾氏齟牙舒舌愛飲冷水喜伏眠於地

脾疳亦名食疳

錢氏面黃腹大食泥土

湯氏脾疳食不消胃痞

多吐

聖惠腹多筋脉喘促氣粗乳食不多心腹脹滿多啼欬逆面

色痿瘦骨立毛焦形枯力劣胸膈壅悶水穀不消口鼻常乾情意不

悅愛暗憎明惕目不和利多酸臭

曾氏愛食冷物引飲無度身面

俱黃髮稀作穗頭大項小腹脹脚弱間或瀉瀉肌瘦目慢晝涼夜熱

不思乳食

錢氏又云肥疳卽脾疳也身瘦虛黃乾而有瘡其候不

一種種異端今略舉之目澀或生白膜唇赤身乾黃或黑喜臥冷地

或食泥土身有瘡疥瀉青白黃沫水痢色變易腹滿身耳鼻皆有瘡

髮鬢作穗頭大項細極瘦飲水皆其證也 按此言脾疳證候多與

餘疳相濫蓋疳爲脾經本病固應兼之

肺疳亦名氣疳

錢氏氣喘口鼻生瘡

聖惠咳嗽氣逆皮毛乾焦

僥涕多啼咽喉不利揉鼻敲甲壯熱憎寒唇邊赤瘰腹內氣脹乳食

漸稀大腸不調頻頻泄利糞中米出皮上粟生

曾氏鼻下赤爛手

足枯細口有腥氣右腮皓白

腎疳亦名急疳亦名骨疳

錢氏腎疳極瘦身有瘡疥骨疳喜臥冷

地 湯氏齒爪黑

聖惠肌骨消瘦齒齲生瘡寒熱作時口鼻乾燥

腦熱如火脚冷如水吐逆既增乳食減少瀉利頻併下部閑張肛門

不收疳瘡癢痛

曾氏兩耳內外生瘡脚如鶴膝頭縫不合或未能

行牙齒生遲其縫臭爛傳作走馬疳之類楊五臟疳傷大抵然爾析而論之曰五疳出蟲曰蛔疳曰脊疳曰腦疳曰乾疳曰疳渴曰疳瀉曰疳痢曰疳腫脹曰疳癆曰無辜疳曰丁奚曰哺露證狀非一可不舉宏撮要而條析之乎五疳出蟲者疳傷之源雖起於乳哺不調然臟腑停積已久莫不化而爲蟲其蟲或如絲髮或如馬尾多出於頭項腹背之間黃白或赤者可醫青黑則難療也蛔疳者失乳飯早食肉太早或腸胃停蓄甜膩化爲蛔蟲皺眉多啼嘔吐清沫腹中乍痛肚腹青筋唇口紫黑腸頭齒齕是也蛔雖食蟲雖不可動從口鼻出者難治脊疳者蟲蝕脊背身熱羸黃積中生熱煩溫下痢拍背如鼓鳴脊骨如鋸齒或十指皆瘡頻齕爪甲是也腦疳者胎中素挾風熱生下乳哺越常頭皮光急滿頭餅瘡腦熱如火髮結如穗遍身多汗顯腫頤高是也臨產多慾亦太易損兒眼乾疳者瘦悴少血舌乾多啼其病在心目不轉睛乾啼少淚其病在肝身熱尿乾手足清冷其病在腎聲焦皮燥大便乾結其

病在肺搭口癡眠胃脫乾渴其病在脾總爲五乾瘡是也瘡渴者臟
中風有瘡氣加之乳母恣食五辛酒麵炙燔使小兒心肺壅熱日則
煩渴引水乳食不進夜則渴止是爾瘡瀉者毛乾唇白額上青紋肚
脹腸鳴泄下糟粕是爾勿用熱藥止之瘡痢者挾授風寒暑濕或冷熱不調
或停積宿滯水穀不聚頻下惡物是爾瘡腫脹者虛中有積其毒與
氣交并故令腹肚緊脹由是脾復受濕故令頭面脚手虛浮是爾法
磨積調氣瘡勞者潮熱往來五心煩熱手足心及胸前熱而發瘡盜汗骨
蒸嗽喘枯悴是爾或渴而復瀉飲水惡食肚硬如石面色如銀斷不
可活無辜瘡者腦後項邊有核如彈按之轉動軟而不痛其間有蟲
如米粉不速破之則蟲隨熱氣流散淫蝕臟腑以致肢體癰瘡便利
膿血壯熱羸瘦頭露骨高是爾鍼刺破或澣濯兒衣露於簷下爲雌
鳥落羽所汚兒着此衣蟲入皮毛亦致無辜之疾兒衣已晒須微火
烘之其若手足極細項小骨高尻削體痿腹大臍突號哭胸陷或生

穀癥是爲丁笑虛熱來往頭骨分開翻食吐蟲煩渴嘔噦是爲哺露
丁笑哺露皆因脾胃久虛不能化水穀以榮血氣故肌肉消鑠腎氣
不足復爲風冷所傷使柴骨枯露亦有胎中受毒臟腑少血致之此
皆無辜種類之疾病而至此不幾殆哉又有小兒久患腎疳內虛不
食甚者天柱骨倒治法當用錢氏地黃丸加驅疳等劑仍與貼項強
筋若不識證謂之立軟非也天柱骨倒凡有三種有吐瀉日久羸弱
成者有肝膽伏熱面赤唇紅忽變此者有傷寒不及發表成者是皆
風邪入肝以致筋絡舒弛吐瀉者當調胃氣肝熱者隨輕重以涼肝
並與強筋貼項惟傷寒天柱骨倒者難療故併及之

莊氏家傳小兒二十四候 第一候瀉膿血日漸瘦是冷熱疳 第

二候脚細肚高胸前骨生愛喫泥土酸鹹日久通身黃時時吐逆下

痢腹內疼痛是脾疳 第三候鼻下赤爛愛揉眼兼血痢是肺疳乃

因喫着承熱物或病歛所損心肺加之欬嗽更以服涼冷藥過多便

上熱下冷漸漸昏沉日夜煩哭 第四候皮膚皴面無顏色身上燥

癢心煩 第五候毛髮稀疎鼻生瘡是肺疳 第六候頭生瘡毛髮

稀焦是肝疳 第七候牙變黃赤不定是腎疳 第八候頭髮焦乾

鼻下瘡生是肺疳 第九候咬指甲毛髮作穗四肢沉重是心疳

第十候肚上筋生齒蟲蝕是骨槽疳 第十一候吐逆腹脹是胃疳

又名疔疳 第十二候齒斷臭爛面無顏色心不思食是脾疳又名

口疳 第十三候愛合面臥多睡如醉腹脹氣急蓋是因曾喫生肉

如此腹內有蟲是心脾疳 第十四候鼻內乾痛口中臭氣齒根有

鮮血是肝肺疳 第十五候脚細肚高并肚上有青脉是脾疳 第

十六候非時生瘡愛喫冷水是熱疳 第十七候皮膚上生粟子糞

中米出是脾冷疳 第十八候氣滿腹脹及口乾是心胃疳 第十

九候愛餐生米麩炭甌瓦是脾胃疳 第二十候揉鼻揩眼及咬指

甲愛飲水是肝渴疳 第二十一候多寒熱愛臥不起是骨熱疳

第二十二候愛飲水眼目不開是肝疳。第二十三候肌體或熱或冷發渴無時是急疳。第二十四候齒斷黑唇懶開則赤是心疳。積熱。

聖惠凡小兒疳在內眼澀腹脹痢色無常或如泔浚日漸羸瘦此候可療若鼻下赤爛自揉鼻頭上有瘡生痴痛癢漸漸流引達於兩耳時時目赤頭髮稀疏疎腦皮光緊頭大項細肌體羸瘦亦可治也若唇口被蝕齒斷作五色或盡峭黑舌下有白瘡上齧有竅子口中時有臭氣齒斷漸染欲爛亦可治也若下部開張有時赤爛癢不可忍下痢無常亦可治也若疳蝕脊脊十指皆癢自咬指甲頭髮作穗脊骨如鋸有時腹脹有時下痢若急治之無不差也

聖惠凡小兒肝藏疳若目睛帶青脉左脇下硬多吐涎沫眼角左右有黑氣所衝不可治也心藏疳若愛驚啼常好飲水便食辛味耳邊有脉舌上有黑靨者不可治也脾藏疳若肚大長無血色人中平滿

下痢無度水穀不消好喫泥土皮枯骨露不可治也肺藏疳若欬逆
氣促多瀉白沫身上有班生如粟米大色若黑者不可治也腎藏疳
若愛食酸鹹飲水無度小便如乳牙齒青黑耳腦乾燥肩竅骨枯不
可治也又五疳有五絕候一襯着脚中指底不覺疼二抱看手足垂
躄無力三病未退遍身不暖四藏府瀉青涎及沫不止五項筋舒展
無力如此之候皆不可治也凡醫用藥切作審詳也

潔疳者小兒病癖或久吐瀉醫者妄殺轉逆之藥小兒易爲虛實致
令胃虛而亡津液內發虛熱外消肌肉一臟虛則諸臟皆弱其病目
胞腫腹脹痢色無常漸加瘦瘠久不痊可是腸胃有風積法當宣風
散疳發熱導之後各依本臟補其母

錢諸疳皆依本臟補其母及與治疳藥冷則木香丸熱則胡黃連丸
主之疳在內目腫腹脹利色無常或沫青白漸瘦弱此冷證也史君
子丸主之疳在外鼻下臭爛自揉鼻頭上有瘡不着痂漸遠耳生瘡

治鼻瘡爛蘭香散諸瘡白粉散主之 肝瘡當補肝地黄丸主之

心瘡當補心安神丸主之 脾瘡當補脾益黃散主之 腎瘡當補

腎地黄丸主之 筋瘡當補肝地黄丸主之 肺瘡當補脾肺益黃

散主之 骨瘡當補腎地黄丸主之 大抵瘡病當辨冷熱肥瘦其

初病者爲肥熱瘡久病者爲瘦冷瘡冷者木香丸熱者胡黃連丸冷

熱之瘡尤宜如聖丸^瘡故小兒之藏府柔弱不可痛擊大下必亡津

液而成瘡凡有可下量大小虛實而下之則不至爲瘡也初病津液

少者當生胃中津液白朮散主之惟多則妙 楊熱者涼之冷者溫

之冷熱者溫涼之此其要也熱瘡病多在外鼻下赤爛頭瘡濕癢五

心煩熱掀衣氣粗渴引冷水煩躁臥地肚熱脾冷潮熱往來皆熱瘡

也冷瘡病多在內利色無常其沫青白肢體軟弱目腫面鰓又一證

躁渴臥地似有熱狀惟飲食不進滑泄無已亦冷瘡也其有瀉多膿

血日加瘦弱此則謂之冷熱瘡大抵瘡之受病皆虛使然熱者虛中

之熱冷者虛中之冷治熱不可妄表過涼治冷不可峻溫驟補故錢氏又曰小兒易爲虛實脾虛不受寒溫服寒則生冷服溫則生熱當識此而勿誤是果非幼幼之綱領乎上醫處此消積和胃滋血調氣隨順藥餌以扶之淡泊飲食以養之榮衛調和臟腑自然充實一或過焉君子未保其往也取積之法又當權衡積者瘕之母由積而虛謂之瘕極諸有積者無不吐熱脾冷須酌量虛實而取之若積而虛甚則先與扶胃使胃氣內充然後爲之微利若積聚乎虛則先與利導纔得一泄急以和胃之劑爲之扶虛然取積雖當疎利如白豆蔻蘿蔔子縮砂蓬朮消積等輩亦不可無脇間癖痛亦虛中之積也先寒後熱飲水不食或因飲水以致喘嗽錢氏有癖爲潮熱之說治法解散寒熱卽與下癖合是而觀發作不同療治不一又可無權度於此哉 曾大抵瘕之爲病皆因過餐飲食於脾家一臟有積不治傳之餘臟而成五疳之疾若脾家病去則餘臟皆安苟失其治日久必

有傳變然脾家病宜蘆薈丸沉香檳榔丸積或水晶丹積烏犀丸積

更察虛實療之有蟲者投使君子丸腹痛化蟲飲腹痛如心腹痛吐

清水蟲白下多投二聖丸腹痛諸疳證皆宜用局方五疳保童丸或

萬應丸常服化積治疳仍各投本臟調理之劑寧心用茯神湯驚悸

調肝用者歸湯調脾用參苓白朮散不乳補肺用補肺散咳嗽補腎

用調元散庶各得其宜則前證不致再作 演山積是疳之母所以

有積不治乃成疳候又有治積不下其積存而臟虛成疳尤重大抵

小兒所患疳證泄瀉無時不作風候者何惟疳瀉名熱瀉其臟腑轉

動有限所以不成風候雖瀉不風亦轉他證作渴虛熱煩躁下痢腫

滿喘急皆疳候虛證古云疳虛用補虛是知疳之爲疾不可更利動

臟腑發作之初名曰疳氣腹大脹急名曰疳虛瀉痢頻併名曰疳積

五心虛煩名曰疳熱毛焦髮穗肚大青筋好喫異物名曰疳極受病

已極發往來形體枯槁面無神采無血色名曰疳勞手足細小項長

骨露尻鬻無肉肚脹臍突名曰丁奚食加嘔噦頭骨分開作渴引飲
蟲從口出名曰哺露此皆疳候又因多食生冷甘粘肥膩積滯中脘
不化久亦成疳治疳之法量候輕重理其臟腑和其中脘順其三焦
使胃氣溫而納食益脾元壯以消化則臟腑自然調貼令氣脉與血
脉相參壯筋力與骨力俱健神清氣爽疳消蟲化漸次安愈有以藥
攻之五臟疎却腸胃下去積毒取出蟲子雖曰醫療卽非治法蓋小
兒臟腑虛則生蟲虛則積滯虛則疳羸虛則脹滿何更利下若更轉
動腸胃致虛由虛成疳疳虛證候乃作無辜無辜之孩難救矣 薛
疳者乾也因脾胃津液乾涸而患在小兒爲五疳在大人爲五勞總
以調補胃氣爲主

後列諸方其證候龐雜不能名爲何等疳者卽於通治諸疳方內檢
之若證候的與五疳等條下證候對者卽檢本疳方分寒熱虛實擇
而用之常須識此勿令誤也

肝疽楊氏云肝疽者由乳食不調肝藏受熱所致也若乳母寒溫不調滋味不節或外感風寒內傷喜怒邪氣未散遽以乳兒多成風疳肝者眼之候上膈伏熱痰涎壅滯以致肝風入眼赤腫翳生眵淚爛眵痛癢揉擦昏暗雀盲甚至經月合眼亦名疳眼外證搖頭揉目白膜遮睛眼青淚多頭焦髮墜筋青腦熱甲癢筋攣燥渴汗多下痢瘡癬是也 錢氏以地黄丸主之腎 楊氏以天麻丸生熟地黄湯主之 曾氏調肝用耆歸湯

天麻丸 治肝疳風疳疳眼

青黛 川黃連 天麻 五靈脂 夜明沙微炒 川芎 蘆薈各二錢

龍膽草 防風 蠅蚨去足各一錢半 全蝎二枚焙 麝香少許 乾蟾頭炙焦

三錢 右為末猪膽汁浸糕丸麻子大每服十九薄荷湯下

生熟地黄湯 治疳眼閉合不開內有朦霧

生地黄 熟地黄各半兩 川芎 赤茯苓 枳殼炒 杏仁水浸去皮

川黃連 半夏麴 天麻 地骨皮 甘草各二錢半 當歸各二錢半

右剉散每服二錢生薑三片黑豆十五粒水煎溫服

耆歸湯 治小兒稟賦素弱豆瘡出不快者及肝虛目視不明

黃耆蜜水塗炙一兩 當歸酒洗焙乾 白芍藥 川芎各半兩 甘草三錢炙

右件吹咀每服二錢水一盞煎七分無時溫服

張渙熊膽天麻丹 治風疳羸瘦搖頭揉目百脉拘急

天麻 羌活 真熊膽 蟬殼 使君子去殼 胡黃連各一兩兩

蘆薈 乾蟾解炙黃各半兩 右件搗羅為細末粳米飯和如黍米大

每服拾粒煎荊芥湯下量兒大小加減

烏蟾丹

烏蛇酒浸去皮骨炙令黃 乾蟾解炙黃 蛇蛻皮燒灰各一兩 胡黃連半兩已上搗羅為細末

用真蘆薈 麝香 熊膽各二錢半並細研

右件同拌勻以粟米飴和如黍米大每服拾粒煎薄荷湯下乳前

莊氏家傳治小兒風疳順肝氣進飲食盧薈丸

盧薈

一錢別研秤或只以皂角水磨

草龍膽

一兩淨洗到焙乾科

右件藥一處搗羅為末用不蚰皂角三銖以水二升按汁用生絹濾去淨入銀器內慢火熬成膏入前二味藥調和得所丸如芩豆大每服三丸至五丸薄荷湯下下

漢東王先生家寶治小兒風疳氣攻項下生核子皂角膏方

皂角

大者一莖燒存性

糯米

一合炒黑色

草烏頭

二錢生

黃皮

一錢炒黑色

右為末每用不拘多少以井華水調貼如未安須用水精丹取後用調氣觀音人參散等藥補仍再貼兼與疳藥相間服

神妙觀音散

補虛調胃氣進乳食止吐瀉久不進食

白僵豆

微炒

石蓮肉

炒去心

人參

焙各一分

茯苓

一錢半焙

甘草

炙

香白芷

綿黑耆

粗碎用蜜水拌炙

木香

炒各一錢

神麩

二錢

右為末每服嬰孩一字二三歲半錢四五歲一錢用水一藥注或

半銀盞棗子半片煎十數沸服

人參散 補虛調胃氣進乳食止吐瀉

人參

茯苓

蓮肉

去心炒

黃耆

半兩槌蜜水拌炙

甘草

二錢

右為末每服嬰孩一字二三歲半錢四五歲一錢以水一藥注或

半銀盞入棗子半片煎十數沸服

莊氏第六候頭生瘡毛髮稀焦是肝疳方

肉豆蔻

蟾灰

全者各一介

桔梗

炮

茯苓

煨

大黃

煨各一兩

麝香

各一錢

右為末軟飯丸如麻子大棗米飲下三丸只可兩服

治小兒手足動眼目不開有時語笑或即嘔怒兼多驚手指甲青狀

形似死妄稱天鈞通神丸

龍齒

各煨半兩

鈎丹

胡黃連

各一錢

銀箔

五片

麝香

一錢鈎藤一兩

煨

右為末煉蜜丸麻子大每十九丸米飲下

莊氏第二十候用此方

第三風疳小兒手足拘攣眼目不開有時自笑或嘔怒驚叫手爪甲